

稿本航海述奇匯編

第七冊

〔清〕

張德彝著

清 張德彝 著

稿本航海述奇匯編
(七)

北京圖書館出版社

六述奇卷二

鐵嶺張德彝在初氏隨筆

光緒二十三年五月二十三日辛亥微陰涼今日巳初
一刻英君主詣賢波羅大教堂受賀各國駐英公使及
各叅隨皆有帖請前往巳初羅星使率羅叔羹羅夢祖
羅伯蘇一車余同陳幼庸自備一車皆著蟒袍補褂挂
珠前往沿途左右排列營兵每箭地對立巡捕二人中
道肅清禁止私車人馬往來兵後鋪前男女肩摩觀者
如堵而安靜無喧譁嬉笑聲巳正抵賢波羅教堂前下

車登臺入座堂形如轟字高四十餘丈寬三十丈前面
突出作凸字形中寬十丈左右各十丈堂門關閉塔下
一直道石徑寬六七尺堂前圍以鐵闌高約五尺作弓
月形左右有門院鋪黑沙土正中近闌立有君主白石
像高與人同頭頂王冕身披大氅立一方臺上臺下四
角坐春夏秋冬四女神堂門前左右塔上先立白衣黑
小帽教徒百餘其後又各立唱詩使二十餘年皆三四
旬烏帽烏衣白背心塔下左右設樂臺各上立樂兵三
四十衣冠顏色不同二樂臺中石徑上另一小臺領樂

官光頭披粉紅氅手執短棍背立臺後面向堂門其後排立各主教牧師教士等各著彩衣面向堂外中惟大主教省牧師等手捧金樺金尺之類是皆教中之主也笏也堂門左右皆以木為臺高一丈八九尺層層疊座式如階砌鋪以紅毡號以數目由一至二百五十左臺坐各國公使叅隨夫婦子女右臺坐各國專使之隨從男女來者皆由外部給有座位憑票上印第若干號下車即由臺旁後面登梯轉前覓號入座各國公使坐前三橫餘皆列後愈後愈高各車亦有憑票主人下車皆

經巡捕指令由堂左小巷趨赴君主維克都里亞巷一帶堂前鑲闌外右鄙立樂兵一班每隔數分鐘鼓吹一闕堂前大街道作篆文門字形正面即樂談喜街街口新設紅門兩扇午初開放礮聲知君主出宮當斯時也雲散天晴日照頗熱少頃紅門開乃馬步兵陸續隊隊進口至鑲闌前馬隊左馳堂後由池朴賽街進向羅良王街一帶按班鵠立以待水陸步隊除礮兵外多排列於堂之左右道旁樓下水師百名各屬地兵百餘名如印度錫蘭馬六甲扎美喀金邊呢格香港等香港兵僅

八名戴金頂粘冠灰布短衫緊褲皮鞋腰圍黃皮帶手
舉火槍其餘各兵形貌不一或黑如漆或黃似泥或短
鼻厚唇或冗髮高頰十六輛宮車皆高大開敞金碧輝
煌或兩馬或四馬御者跟役皆黑帽白襪紅襖紅褲到
時凡各國專使橫排堂左鍊闌外其他橫排堂右鍊闌
外每面八輛式作兩翼君主到又聞放礮聲乃啟車八
馬馬皆覆以紅質白花衣御者一牽馬者八各皆黑高
帽白高襪紅緞短襖短褲御者旁坐一蘇格蘭侍衛車
箱後坐二印度護衛君主正坐頭罩烏紗身披黑氅手

舉白綢小傘。對面陪坐者。為公主太子妃。皆白色衣車。
由缺闌右門入。至正中駐馬。大主教登小臺。呈進紅書
一卷。同時鼓風琴奏樂歌頌禮畢。君主車出左門而南。
馳向堂後。既而十六輛宮車依次隨去。後又過親兵馬
隊及各屬地之馬步隊。過畢。街口紅門閉。客車陸續轉
來。登車由堂之左右各閣巷分馳。未刻回寓。少坐。復聞
放礮聲。知君主已入宮矣。記英君主之巡幸。自出宮至
進宮。先自南而東。至教堂。再由堂而北。過江稍北轉西。
再過橋仍西而北入宮。是在新舊二城之間。周行一十

八里其轍迹扁形如魚宮在尾上堂在唇下凡君主兵馬必行之路因道平恐滑不利於馬皆以黃沙洒墊一層晚間街市彩燈齊燃明如白晝各大街自戌初至明早寅正禁止車馬男女駢肩累跡往來如蟻雖不喧譁而有暗向人身激香水者吹洒五彩如豆大之圓紙餅者金吾不禁君主還宮在御膳廳備有貴客午酌各客隨從人等均在水園廊下戌正一刻君主在御膳廳設家宴又今日礮共六十門兩營礮兵經總兵歐阿連管帶在海岱園教場於君主出宮及還宮時皆聲礮慶賀

外有御前蘇格蘭官一員兵二十名在彼協助彈壓君主至教堂時亦經倫敦臺上之御前礮隊聲礮屆時皆由暗號官以得律風自王宮傳知海峽園由教堂通知倫敦臺至今日君主游行受賀所有前引後護之皇族各親王王妃各國親王專使暨內廷大小文武各員并水陸馬步各營之前後次序繁列如下老城公會紳士車二輛宿衛第二隊之守備一員馬兵長四員御前水師兵百名帶礮六門執國旗官一員宿衛第二隊之先鋒營兵一排御前礮營之騎馬樂兵一隊御前丁字營

馬礮兵一隊宿衛第一營輕騎親軍第一第二隊之樂
兵宿衛第一營輕騎親軍第一第二隊兵御前戊字營
馬礮兵一隊輕騎親軍第三第六第七隊之樂兵輕騎
親軍之第三第六第七隊兵御前庚字營馬礮兵一隊
輕騎親軍第一第二第六隊之樂兵輕騎親軍第一第
二第六隊兵御前癸字營馬礮兵一隊胡薩軍第三第
八隊之樂兵胡薩軍第三第八隊兵御前戊癸字營馬
礮兵一隊胡薩軍第十第十五隊之樂兵胡薩軍第十
第十五隊兵御前癸癸字營馬礮兵一隊長刺軍第十

二十七隊之樂兵長刺軍第二十七隊兵御前癸巳
字營馬礮兵一隊大將軍之中軍一員君主水陸礮營
之中軍各一員倫敦團練大臣團練叅謀各官大帥三
員倫敦老城之刑法官正一員副三員屯兵營派隨駕
之管帶教斯佛省胡薩兵叅將子爵瓦崙堤亞鄉勇營
派隨駕之管帶太子諾爾孚礮隊副將子爵庫克義兵
營派隨駕之管帶團練義兵二等副將伯爵阿勒布瑪
以上三員竝轡而行此後係各國親王與各專使之隨
員司馬官及各執事皆乘馬三人一排各人官銜姓氏

如下布邦第一隊輕騎親軍營都司柏恩隨韓國頭等專使之都司柯文的士隨中國頭等專使之副將馬貝隨檀香島專使之都司伊倭洽守備那皮爾陸路提督教爾斯達達公達武之副將卜拉巴遜守備杜鄂森隨土耳其專使之冷溪親軍都司蘇爾提斯副將潘孫庇三等陸軍提督那色爾巴沙守備安倭貝隨美國頭等專使之副將哈朗巴隨順布里佩王之都司文斯婁隨埃及墨哈梅阿里罕王之副將喇爾慶伊薩貝隨海斯第來得立查里王之男爵柯達威滋隨薩克森美寧根

王妃之男爵萬路得隨薩克森庫柏爾太子王爵之守
備魯克思本隨什來隋霍斯屯王英第二駙馬克里堅
之副將伊里瑤隨薩克森衛瑪爾王之中軍阿的喜隨
薩克森庫柏爾王費里樸之中軍伍明隨卜魯夏里亞
王之副將司蕾得隨芒坦呢格婁太子之副將茹魁志
都司哈爾保隨波斯阿米罕王之提督郭爾多恩副將
喀里木汗隨丹麻查里王與妃之副將諾里斯隨皇孫
約爾克公之提督韋音頓副將劉克思叅將戴凱貝隨
魯克森堡公子王爵之副將卜樂昂男爵葛倫斯田隨

烏坦堡公阿拉柏之提督畢汾海副將蘇萬千總伯爵
丹沁申布隨三太子寬諾公之長使副將艾一屯額外
馬官千總費澤拉隨薩克森公王爵萊來得立之副將
郝阿男爵雷瓚仙千總梅滋子爵歐培隨教坡投公之
副將邵樂斯隨巴威里亞王路柏爾之提督賈的那守
備費和睦千總努庫巴總司代田隨俄國親王賽里公
之中軍卒庇策隨瑞典親王尤仁呢之中軍貝方仁隨
丹麻太子之守備艾倭爾隨薩克森庫貝兼轄薩公之
大臣萬舒恩隨布邦王阿拉柏之提督杜朴拉副將

葛禮孫隨俄國親王色爾芝公與夫人之副將倭特斯
隨布邦王爵罕里興福晉之海軍頭等提督考美雷隨
暹羅太子之副將薩爾托勒斯二等副將休木隨日本
有栖川威仁親王之守備畢尤門隨那百里王之伯爵
柯林敦副將尼達木頭等中軍提督特禰斐中軍都司
威良叻呢守備梅格里崎隨太子衛拉斯王之長使提
督蒲樂彬副提督兼馬官艾里斯副將馬官萬泰之參
將青斯克守備郝樂佛千總葛萊維隨海斯公之中軍
何明隨奧國親王公爵費丹之伯爵鄧庇副將吳阿多

伯爵鄂斗敦守備男爵卜鑾中軍李德隨英大公主施
皇太后第來得立之世爵哈里斯副將倭勒爾各國使
館水陸各武隨員之乘馬隨行之名次如下美使館海
軍都司郭蘭衛法使館陸軍都司子爵邦達維斯日本
使館水師遊擊石保日斯巴尼亞使館都司羅貝斯德
使館水師守備鞠立墀法使館陸路提督哈格塞俄使
館陸路副將葉墨洛甫美使館陸路總兵麥拉斯奧使
館陸軍總兵親王伊斯他斯英君主之英蘭愛爾蘭布
邦輕騎第一隊之武官為游擊阿呢木都司戈拉什守